

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

hic κόρμος ornatus sit, Genes. 1. per totum.

Quod igitur Spiritus Dei in opere Creationis fecisse dicitur, id Christo adscribendum est, qui venit ut vitam haberemus, & abundantius haberemus, Johan. 10. v. 11.

Scaliger scribit Exercit. 23. quod Aegyptii ad Cairum peculiarem rationem habeant ovorum multas centurias in furno excludendi, ex quibus statim diebus pulli agminatim erumpant. Verum in regionibus nostris Septentrionalibus ova gallinæ supponenda sunt.

Pari ratione nosmetipso, nos juvare non possumus, sumus enim mortui in peccatis, Eph. 2. v. 5. quod si vero vitam recuperate velimus, Christus nos revivisceret necesse est. Hæc est voluntas Patris mei, qui misit me, Joh. 6. v. 40. ipse cibat nos præstantissimo tritico, Psal. 81. v. ult. ipse potat nos de fontibus Israel, Psal. 68. v. 27. ipse inumbrat nos tegmine alarum suarum, Psal. 36. v. 8. ipse tueretur nos adversus omnes injurias, ut Apostolos defendit, hinc ait: Quos dedisti mihi, ego custodi, & nemo ex eis periret, nisi filius perditionis, Joh. 17. v. 12. Tandem quoque nos in requiem deducit, & in habitacionem pacis, Esa. 32. v. 15. ubi protegimur a contradictione linguarum, Psalm. 31. v. 21. Ibi accipiemus Regnum decoris, & diametra speciei, de manu Domini, Sap. 5. v. 16. 17.

De Tertio.

R^Estat Cautela, quæ tribus absolvitur
Regulis, ut sunt

I. Ministerium negare. Christus Judæis magnam gratiam exhibuit, dum militeb illis

1. Prophetas, non ut olim in V. Testam. ubi partim juxta Ecclesiasticam, etiam Politicam jurisdictionem exercuerunt, sicut Moses, Samuel, aliisque: partim vero tantum verbi Ministerio praefuerunt, & de futura gratia prophetarunt, prænunciantes eas, quæ in Christo sunt, passiones, & posteriores glorias, 1. Petr. 1. v. 10. II. Sed Prophetæ sunt hæc *biologiæ*, qui è fonte S. Scripturæ de articulis fidei cum fructu differere, aliosque iuoritatem Dei instruere possunt, quo sensu capit, 1. Cor. 2. 4. v. 1. seq.

2. Sapientes. Hi sunt qui potentes sunt exhortati in doctrina sancta, & eos qui contradicunt, arguere, Tit. 1. v. 9. sciuntque proferre de thesauro suo vetera & nova, Matth. 13. v. 15. ad cuiuslibet captum se se attemperantes, præbentque lac paryulis, cibum solidum autem qui pro consuetudine exercitatos habent sensus, ad discretionem boni & mali, Hebr. 5. v. 13.

3. Scribas, qui à puero didicerunt sacras literas, ut Timotheus, 2. Timoth. 3. v. 15. & ad typum Levitici Pontificis judicium in pectorali sive in pectore gerunt, Exod. 28. v. 30. ut sic alios pro re natâ, & coram & per literas instruere possint: ne talentum suum abscondant, sed eodem supralucentur, Matth. 25. v. 21.

Tales præstantes viros misit Deus ad Judæos, ut eos ad salutem perduceret, si modò ipsi voluissent. Vult enim omnes homines salvati, & ad agnitonem veritatis pervenire, 1. Timoth. 2. v. 4.

Hoc ipsum Judge gratia mente agnoscere, & legatos Dei reverenter suscipere debuissent: sed ipsi subsannabant nuncios Dei, & irridebant sermones ejus, illudebantque Prophetis: donec adscenderet furor Domini in populum ejus, & nulla esset curatio, 2. Paral. 36. v. 26.

Hoc exprobrait illis Servator, p̄enamque annunciat futuram. Nos igitur exemplo Judæorum cauius mercati discamus, legatosque Dei majori reverentia suscipiamus, qui enim illos tangit, pupillam oculi Dei tangit, Zach. 2. v. 9.

Ubi requiritur

1. *Respectus verbalis*, ne subsannemus eos, ut auditores Ezechielem, c. 33. v. 31. sed honorifice de his loquamur, & infirmitatem eorum pallio caritatis Christianæ tegamus, ut Sem & Japher, Gen. 9. v. 23.

2. *Respectus Ceremonialis*, ut & externis gestibus eosdem veneremur, juxta illud Pauli, 1. Tim. 5. v. 17.

3. *Respectus realis*, ut illis reciprocam gratiam exhibeamus, Galat. 6. v. 6. 1. Thess. 5. v. 12.

Hoc illi obseruent, qui de Ecclesiæ ministris ignominiis loqui non verentur. Videbunt illi aliquando in quem linguis suis pupugerint, Zach. 12. v. 10. qui enim illos spernit, non homines spernit, sed Deum, qui dedit Spiritum suum sanctum in illis, 1. Thess. 4. v. 8.

Cum Hanon Ammonitarum Rex, Legatos Davidis contumeliose tractaret, hic illud severissimè vindicavit, ut constat ex 2. Sam. 10. & seqq.

Cœlestis David Jesus Christus, quotidie Legatos suos mittit, qui sunt verbi ministri, cum hac instructione: Consolamini,

consolamini populum meum, Esa. 40. v. 1. Verùa impius mundus subsannat nuncios ejus, 2. Chro. 36. v. 16. ut ejus purgamenta & periplema esse cogantur, 1. Corinth. 4. vi. 13. id Rex Regum non impunitum dimitteret, sed contortores ejusmodi aliquando cacodemonibus tradet, qui eos fetris & rastris ferreis, & trahis diserpent, & comburent in furno infernali, ubi manduebunt linguas suas præ dolore, Apoc. 16. v. 11. & p̄enam dabunt interitum æternum, à facie Domini, & à gloriâ virtutis ejus, 1. Thess. 1. v. 9. Ne erretis, non irridetur Deus, Gal. 6. v. 7.

II. *Justitiam settare*. Hunc in finem proponit nobis Servator Abelém justum, ut alibi quoque vocatur, Hebr. 11. v. 4.

Potest autem justitia considerari bifariam,

1. *In foro absolute justificationis*, quâ ratione inter homines justus non repertitur. Omnes enim peccaverunt, & destituntur gloriâ Dei, Rom. 3. v. 23. Non est, qui faciat bonum, non est usque ad unum, Psal. 14. v. 3. Id quod testantur David, Psal. 143. v. 2. & Jobus, cap. 9. v. 13.

Quod verò à nobis ipsis non habemus, tanquam ex nobis ipsis, id ex gratiâ donavit nobis Deus, per redēctionem, quæ facta est in Christo JESU, Roman. 3. v. 24.

Hæc vocatur justitia imputata seu Evangelica, quâm extrâ nos in Christo unicè querimus, qui nobis factus est justitia, 1. Cor. 1. v. 30. à quo accipimus gratiam pro gratia, Joh. 1. v. 17.

2. *In foro Politica conversationis*. Sine justitia enim societas humana confundere nequit. Hinc Cicero eam vocat, Reginam

nam & Dominam omnium virtutum; proprietas ejus est: honestè vivere, neminem ledere, suum cuique tribuere. Christus nervosè id ita effert: Omnia quæcumque vultis, ut faciant yobishomines, eadem & vos facite illis, Matth. 7. v. 12.

Quicunque igitur in his duabus partibus se exercet, & non modò in Christum credit, sed & fidem suam per opera probat, is in catalogum Abelis referendus & reapse homo justus appellari potest. Talis etiam non exiguum emolummentum inde capit, haber enim benignum in cœlis Deum, tranquillam conscientiam, & tandem vitam æternam. Nam Dominus diligit justos, Psal. 146. v. 8. Habitacula eorum benedicentur, Prov. 3. v. 33. cor eorum non reprehendit eos, Job. 27. v. 6. tandemq; expectabunt coronam justitiae, 2. Tim. 4. v. 8.

III. Pullos imitare. Æternus Dei Filius per varias parabolas φιλαρθωπιαν suam nobis adumbrat. Vocat enim se Pastorem, Joh. 10. v. 12. Sponsum, Joh. 3. v. 29. hominem nobilem, qui abiit in Regionem longinquam, Luc. 19. v. 12. Medicum, Matth. 9. v. 12. cultorem vineæ, Luc. 13. v. 7. &c. sed inter omnes suavissima est quando gallinæ se comparat.

Quod si ipse gallina; nos pulli ejus sumus, adeo que naturam eorum induamus decet.

Pullus matrem suam diligit: Sic & nos Christum diligamus, qui prior nos dilexit, 1. Joh. 4. v. 19. dicentes cum Ignatio: Amor meus crucifixus est.

Pullus facile audít vocem matris glorientem: Ita & nos Christi vocem audiamus, Joh. 15. v. 14.

Pullus non potest se contrà accipitrem defendere, sed sub aliis matris suæ præsidium quærit: Nos quoque adversus Dæmonis astus protegere nos non valemus, nisi sub aliis gratia Christi nos abscondamus, & oremus cum Davide: Protegem⁹ sub umbra alarum tuarum, Psal. 17. v. 8. Psal. 57. v. 2.

Pulli sequuntur matrem: Sic & nos sequamur vestigia Christi, 1. Petr. 2. v. 2.

Pulli principio humili loco resident, tandem pennati alta petunt: Ita nos naturâ terrena sapimus, Phil. 3. v. 20. Verum Christus præivit nobis & cœlum adscendit, hunc & nos sequamur oportet, non quærentes, quæ super terram, sed quæ sursum sunt, ubi Christus est, in dexterâ Dei sedens, Col. 3. v. 2.

Quod si his in partibus pullorum imitatores sumus, tandem cœlestem nostram gallinam sequemur in gloriam cœlestem: ubi manebimus cum eo semper, 1. Thess. 4. v. 17.

Fiat id per Christum, Dominum & Servatorem nostrum, Amen.

IN